

國

語

正

義

國語正義卷第二

歸安董增齡撰集

周語中

襄王十三年解襄王十三年魯僖之二十年也下事見

二十四年鄭人伐滑解滑姬姓小國也先是鄭伐滑滑

人聽命鄭師還又卽衛故鄭公子士泄堵俞彌帥師伐

滑疏

解滑姬姓小國○莊十六年同盟于幽滑伯見于

經僖三十三年傳秦師滅滑然滑在晉東秦雖滅

之不能有其地故昭二十六年王次于滑杜注周地杜

謂滑在河南綠氏縣案今河南河南府偃師縣南二十

里有綠氏故城卽古滑地知滑爲姬姓

以襄二十九年傳女叔侯語知之王使游孫伯請

滑解游孫伯周大夫鄭人執之解

鄭人文公捷也鄭怨

惠王之入而不與厲公爵又怨襄王之與衛滑故不聽

王命而執王使王怒將以翟伐鄭解翟魄姓之國也疏

解翟魄姓之國○宣十五年傳荀林父敗赤翟于曲梁
劉昭案上黨記曰潞濁漳也縣城臨潞林父伐曲梁在
城西十里史記匈奴傳正義引括地志潞州本赤翟
地杜預謂躉名舉落潞子甲氏畱吁並赤狄別種富

辰諫曰不可解富辰周大夫也人有言曰兄弟讒闇侮

人百里解闇很也兄弟雖以讒言相違很猶禁禦他人

侵侮己者百里諭遠也疏解闇很也○爾雅釋言闇很

厥心疾很杜預左傳注闇訟爭貌周文公之詩曰兄弟闇於牆外禦其

侮解文公之詩者周公旦之所作常棣之篇是也所以

閨管蔡而親兄弟此二句其四章也禦禁也言雖相與

很於牆室之內然能外禦異族侮害己者其後周室既衰厲王無道骨肉恩闢親親禮廢宴兄弟之樂絕故召穆公思周德之不類而合其宗族於成周復修作常棣之歌以親之鄭唐二君以爲常棣穆公所作失之矣唯賈君得之穆公召康公之後穆公虎也去周公歷九王矣疏解文公至得之○常棣鄭箋禦禁務侮也兄弟雖宣王之臣詩江漢序命召公平淮夷經曰王命召虎是也思周德之不善故知是厲王之時周德衰微兄弟道缺也召穆公于東都會宗族蓋當宣王之時若當厲王之時天子疎之召公雖則聚會不能使之親也于會之上作此周公之樂歌欲感切宗族使相親也劉若是則光伯曰杜云常棣詩屬小雅明是周公所作也若是則闕乃內侮而雖闕不敗親也解雖內相很外禦他人故

不敗親鄭在天子兄弟也

解

言與襄王有兄弟之親鄭

武莊有大勳力於平桓

解

武鄭桓公之子武公滑突也

莊武公之子莊公寤生也王功曰勳平幽王之子平王

宜白也桓平王之孫太子泄父之子桓王林也幽王既

滅鄭武公以卿士夾輔平王東遷洛邑桓王卽位鄭莊

爲之卿士以王命討不庭伐宋入鄭在魯隱十年唐尚

書云王奪鄭伯政鄭伯不朝王伐鄭鄭祝聃射王中肩

豈得爲功桓當爲惠傳曰鄭有平惠之勳昭謂鄭世有

功而桓王不賞又奪其政聃雖射王非莊公意又詩敘

云桓王失信諸侯皆叛明桓王之非也下富辰又曰平

桓莊惠皆受鄭勞明各異人不爲誤也凡我周之東遷
晉鄭是依解東遷謂平王也晉語曰鄭先君武公與晉
文侯戮力同心股肱周室夾輔平王是也子穣之亂又
鄭之由定解子穣周莊王之子惠王叔父也篡位而立
惠王出居鄭厲公殺子穣而納之事在周語上今以小
忿棄之是以小怨置大德也無乃不可乎解置猶廢也
詩云忘我大德思我小怨且夫兄弟之怨不徵於它解
徵召也它謂翟人徵於它利乃外矣解外利在翟章怨
外利不義解章明也棄親卽翟不祥解祥善也棄親出
翟師以伐鄭以怨報德不仁解言鄭有德于王王怨而

伐之是爲不仁夫義所以生利也祥所以事神也仁所以保民也解保養也不義則利不阜解阜厚也不祥則福不降不仁則民不至古之明王不失此三德者解三德仁義祥也故能光有天下解光大也而龢甯百姓令聞不忘解不忘言德及後代也王其不可以棄之王不聽十七年王降翟師以伐鄭解降下也王德翟人將以其女爲后富辰諫曰不可夫婚姻禍福之階也解階梯也利內則福由之利外則取禍今王外利矣解樹利于翟其無乃階禍乎昔摯疇之國也由太任解摯疇二國任姓奚仲仲虺之後太任之家也太任王季之妃文王

之母詩云摯仲氏任又曰思齊太任文王之母

疏

至太嘯

任○

梁僕史後紀黃帝次妃嫗母生尚陽生封于任

又十二世仲虺爲湯左相始分任祖已七世成遷爲摯

有女歸周是誕文王

王應麟曰仲虺居辟臣祖已皆

其後裔淮南本經訓堯乃使羿誅鑿齒於疇華之野高

注疇華南方澤名則疇華卽疇國與周本紀正義

任氏之中女王季娶以爲妃太任之性端壹誠莊維

德之行及其中有身目不視惡色耳不聽淫聲口不出傲

言能以胎教

杞縉由太姒解杞縉二國姒姓夏禹之後

太姒之家也太姒文王之妃武王之母

疏杞縉山太姒

陳留郡雍邱故杞國也周武王封禹後東樓公先春

時徙魯東北二十世簡公爲楚所滅案隱四年經杜

注杞都陳留雍邱縣今河南開封府杞縣是也後遷都見杜

于經杜注繕國琅邪鄆縣案今山東兗州府嶧縣東

鄆城僖三十年杞何事相之不享于此久矣知杞縉

皆姓齊許申呂由太姜解四國皆姜姓四岳之後太姜也

之家太姜太王之妃王季之母

疏

齊許至太姜○史記齊太公世家太公望

呂尚者東海上人其先祖嘗爲功虞夏之際封子呂或封于申姓姜氏夏商之時申呂有

疏

禹平水上甚有

或封枝庶子孫或爲庶人尚其後苗裔也本姓姜氏從呂

疏

云營邱在青州臨淄北百步外城中隱十一年經孔地從

封許縣故許國文叔子許今潁川許昌是也漢地理志

疏

堯四岳伯夷之後也周武王滅也隱

年傳孔疏國語說伯夷所封二十四世爲楚所滅也

疏

申呂雖衰齊許申呂山太則元初太則元初

姜言申太姜而得封也然則申之始

疏

申呂雖衰齊許申呂山太則元初太則元初

其後申絕至宣王之時申伯以王舅改封亦在周興之後也

疏

謂宣王改封亦在周興之後也

南陽縣西徐廣云呂在宛縣正義引縣者謂

疏

水經括地志謂宣王改封亦在周興之後也

居受封案襄七年傳楚有申呂爲賦

疏

注謂宣王改封亦在周興之後也

以前則不知其地史記正義引縣者謂

疏

謂宣王改封亦在周興之後也

也若郡國志所言汝南新蔡有大呂亭此蔡地非呂國也周本紀正義列女傳云太姜太王娶以爲妃生太伯仲雍王季太姜有色而貞順尊諸子至于成童靡有過失此言太姜之賢故四國受其福也

陳由大

姬解陳嬪姓舜後太姬周武王之女成王之姊傳曰以

元女太姬配虞胡公而封諸陳

疏陳由太姬志陳庖犧所都舜後

所封周本紀正義括地志陳州宛邱縣在陳城中卽古

陳國陳杞世家舜子商均爲封國夏后之時或失或續

至于周武王克殷紂乃復求舜後得嬪滿封之于陳史記索隱商均封虞卽今之梁國虞城夏代猶封虞思虞

遂宋忠曰虞思之後箕伯直柄中衰殷湯封遂于陳以

祀舜案陳之始封在于商初此言陳由太姬者商衰而

陳失國此詳周初

是皆能內利親親者也解內利內行

復得續封之由耳是皆能內利親親者也解內利內行

七德親親以中國其家昔鄖之亾也由仲任

解鄖妘姓

之國仲任氏之女爲鄖夫人唐尚書云鄖爲鄭武公所

滅非取任氏而亾也昭謂幽王爲西戎所殺而詩言褒

姒滅之明禍有所由也

疏

鄖之至仲任○桓十三年鄖

城縣入漢孔疏鄖水出新城汎鄉縣案今湖北襄陽宜

見于傳杜注鄖水在襄陽

宜城縣南有宜城故城卽古鄖國或謂鄖國遠在楚境

之西南非鄭武所得取鄖別有晉色而亾與鄭武所取

之鄖恐非一地况鄭取虢鄖之鄖邑非滅鄖國也鄖既

是邑則鄖安得有夫

人邪是與章異義

密須由伯姑

解

伯姑密須之女也

傳曰密須之鼓闕鞶之甲此則文王所滅而獲鼓甲也
大雅云密人不共敢距大邦不由嫁女而亾世本云密

須姓

疏

密須由伯姑○密須秦曰陰密史記列傳秦遷自起于陰密山漢置陰密縣昭十五年杜

注密須在安定郡陰密縣全祖望曰密須之亾卽共王所滅之密共王游涇上密康公從有三女奔之伯姑始三女中之一也富辰所指鄖鄖聃息鄖廬皆周時所立之國非文王所伐之密案呂氏春秋密須之民自縛其

主以子文王左傳杜注密非言滅密也安知文王伐之得其路以其國尙在至共王時方滅乎抑文王滅密得鼓之後又以其地封姬氏之胄正如成王滅唐封太叔仍號曰唐縣故密人不共毛傳國有密須氏地理志安定郡有與涇上亦相合宏嗣謂密人不共敢距大邦不由而由嫁女而由則分密與密須爲二與先儒異義矣

鄖由

叔妘

解

鄖妘姓之國叔妘同姓之女爲鄖夫人唐尙書

云亦鄭武滅之不由女由也昭謂公羊傳曰先鄭伯有善乎鄖公者通於夫人以取其國此之謂也

疏

鄖由叔妘

詩釋文檇本又作鄖其封域在古豫州外方之北滎波之南居漆洧之間祝融之故墟是子男之國僖三十三年傳杜注故鄖國在滎陽密縣東北水經洧水注引竹書紀年傳杜注故鄖正名曰鄭是晉文侯二年同王太子多父伐鄖克之乃居鄭其君之淫恣之詩富辰父竹

無情慾者王氏引以證叔姪之事王符潛夫論鄭君驕
貪儉嗇詩人憂之作羔裘閔其痛悼也匪風冀君先教
也會仲不悟重氏伐之遂以見亾惠棟曰汲郡古文帝
辛十六年帝使重帥師滅有鄧此高辛時之鄧非西周
之鄧王符解聯由鄭姬解聯姬姓文王之子聯季之國鄭

姬鄭女爲聯夫人同姓相娶猶魯昭公娶于吳矣亦其
黜姓所以亾疏載於冉索隱冉國也或作冉賈達曰文解聯姬至之國○史記管蔡世家封季
王子聯季之國莊十八年楚武王克權遷于那處杜預云那處楚地南郡編縣有那口城聯與那皆音奴廿反
曹相國世家正義成陽故城漢州雷澤縣是武王封季載于成其後遷于成之陽故曰成陽也息由陳
姬解息姬姓之國陳姬陳女爲息侯夫人蔡哀侯亦娶
于陳息姬將歸過蔡蔡哀侯止而見之弗賓姬以告息
侯尋楚伐蔡蔡侯怒因稱息姬之美于楚子楚子遂滅

息以息姬歸

疏

解息姬姓之國○隱十一年傳孔疏不知與鄭國同姬姓莊十四年傳楚文王滅息其初則

知誰之子何時封也地理志汝南郡有新息縣故息國也應劭曰其後東徙故加新云若其後東徙當云鄧由故息何以反加新字乎蓋本自他處而徙此也

鄧由

楚曼

解

鄧曼姓楚曼鄧女爲楚武王夫人生文王過鄧

而利其國遂滅鄧而兼之

疏

解鄧曼姓○子使道朔將巴客以聘于鄧

鄧鄧南鄙鄧人攻而奪之幣

杜注

鄧在鄧縣西南河水北則鄧卽鄧縣桓二年經杜注穎川召陵縣西南有鄧

城案在今河南許州

鄧

由季姬

解

羅熊姓之國季姬

姬氏之女爲羅夫人

疏

解羅熊縣姓之國○楚文王理志沙國羅是也又自枝江徙長沙今岳州府平江縣西羅長

子自枝江居此桓十三年傳杜注羅熊姓曰○漢地江二十里有羅川城乃羅故國楚遷之枝江陽府宜城宜縣城長沙今岳州府平江縣西羅長

侯國本羅國是也又自枝江徙長沙今岳州府平江縣西羅長

縣南三十里有羅城長沙府湘陰縣廬由荆媯解廬媯東六十里亦有羅城乃接境處也

廬由

荆媯解

姓之國荆媯廬女爲荆夫人荆楚也

疏

解廬媯姓之國杜注盧戎南蠻釋文盧本或作廬音同漢郡國志南郡中盧侯國襄陽耆舊傳曰古盧戎也案中廬故城在今湖北襄陽府南

是皆外利離親者也

解

外利行淫辟求

漳縣東五十里利于外不能親親以亡其國王曰利何如而內何如而

外對曰尊貴明賢庸勳長老解明顯也庸用也勳功也

長老尚齒也愛親禮新親舊解親六親也新新來過賓

也舊君之故舊也然則民莫不審固其心力以役上令

解役爲也官不易方解方道也而射不匱竭解貢賦有

品財用有節不乏盡也求無不至動無不濟百姓兆民

解

百姓百官也官有世功受氏姓也夫人奉利而歸諸

上是利之內也

解

十億曰兆夫人猶人人也若七德離

判民乃攜貳

解

判分也攜離也七德謂尊貴至親舊各

以利退

解

以利利其身而去退自營也上求不暨是其

外利也

解

暨至也夫翫無列於王室

解

列位次也鄭伯

南也王而卑之是不尊貴也

解

賈侍中云南者在南服

之侯伯或曰南南面君也

鄭司農

云南謂子男鄭今之

新鄭新鄭之于王城爲在畿內

畿內

之諸侯雖爵有侯

伯周之舊法皆食子男之地

昭案

內傳子產爭貢曰爵

卑而貢重者甸服也

鄭伯男也

而使從公侯之貢懼弗

給也以此言之鄭在男服明矣周公雖制土中設九服

至康王而西都鎬京其後衰微土地損減服制改易故

鄭在男服禮畿外之諸侯世位其見待重于采地之君

故曰是不尊貴之也

疏

解南者至貴之意異男南古字通子產爭貢自就其卑故杜注謂鄭伯男也文

意異男南古字通子產爭貢自就其卑故杜注謂鄭伯男也文

二十九年大夫會國君之例云在禮卿不會公侯會

孔穎達謂鄭國同此引子男可也是伯國下同子男子產自言其君爵卑故會

引子男爲例此傳富辰言王不尊鄭故言鄭君爵卑故會

服虔之訓並同或以南爲南服之侯伯也左傳疏引鄭伯南也

前門西治鄭伯南面可施之于臣民而不

謂南爲可爲天子稱也左傳疏引鄭伯南也

合伯子男爲一章不之地但男爲五等之最卑豈爲可

春秋繁露周爵五等春秋反子稱天子之下其鄭也

此與昭十三年傳義合

等第內王主衆以下伯僖國同此

與此傳義殊離謂尙書二百里男邦史記作二百里任國爲孔書傳男任也任王者事白虎通義南之爲言任訓爲任言鄭先君桓武莊相繼爲王卿士職任王事與翟之無列于朝者不同當尊貴也

疏德○翟豺狼之

疏

德○翟

德○翟

人崇之今王不然是否尊貴也翟豺狼之德也

疏德○翟豺狼之

疏

德○翟

德○翟

說文狼似犬銳頭白腳高前廣後陸璣疏云其鳴能大能小善爲小兒啼以誘人去數十步其猛健者雖善用兵者不能免二者皆鄭未失周典王而蔑之是不明賢

貪殘之獸故以喻翟鄭未失周典王而蔑之是不明賢

也解蔑小也平桓莊惠皆受鄭勞王而棄之是不庸勸

也解平王東遷依鄭武公桓王卽位鄭莊公佐之莊桓

王之子莊王它也惠莊王之孫僖王之子惠王母涼也爲子穀所篡出居于鄭鄭厲公納之自平王以來鄭世

有功故曰皆受鄭勞勞功也鄭伯捷之齒長矣王而弱

之是不長老也

解捷鄭文公之名弱猶稱也

疏鄭伯至齒長○

是時鄭文公卽位已三十四年翟隗姓也

解隗姓赤翟鄭出自宣王王

而虐之是不愛親也

解

鄭桓公友宣王之弟出者鄭國

之封出于宣王之世夫禮新不間舊

解

間代也王以翟

女間姜任非禮且棄舊也

解

姜氏任氏之女世爲王妃

嬪今以翟女代之爲棄舊也王一舉而棄七德臣故曰

利外矣書有之曰必有忍也若能有濟也

解書逸書也

若猶乃也濟成也言能有所忍乃能有成功

疏書有至有濟○

孔傳爲人君長必有所含忍其乃有所成宣十五年傳伯宗曰山藪藏疾瑾瑜匿瑕國君含垢天之道也舉天

道以明君道也王不忍小忿而棄鄭又登叔隗以階翟解階階

翟禍也翟封豕豺狼也不可厭也

解封大也厭足也疏

解封大也○定四年傳吳爲封豕長蛇與長對文故知爲大漢食貨志莽大募天下囚徒人奴名曰豬突豨勇服虔曰豬性觸突人故以不喻翟

王弗聽十八年王黜翟后

解十八年

魯僖二十四年也黜廢也翟后既立而通于王子帶故

廢之翟人來誅殺譚伯

解誅責也翟人奉子帶以攻王

而殺譚伯譚伯周大夫

疏

解譚伯周大夫○史記周本紀索隱曰左傳太叔之難獲

周公忌父原伯毛伯唐固據傳文讀譚爲原然春秋有

譚何妨此時亦仕王朝預獲被殺國語旣云殺譚伯故

太史公依之不從左傳說也案司馬貞說則譚讀如字不必依唐注作原

富辰曰昔吾驥諫

王王弗從以及此難若我不出其以我爲懃乎乃以其

屬死之解帥其徒屬以死翟難初惠后欲立王子帶故以其黨啓翟人解言初者惠后已死也以其黨者謂積叔桃子緣惠后欲立子帶故以子帶之黨啓狄人伐周

翟人遂入周王乃出居於鄭晉文公納之解王出適鄭

居于氾也文公納之而殺子帶在魯僖之二十五年疏

解王出至於氾○史記周本紀正義括地志云故汎城在許州襄城縣南一里水經河水注鄖漢水東流注

氾水氾水又北流注于河征艱賦所謂步汜口之芳草于

弔周襄之鄙館是也是乃城名非爲水目案汎有二

並在鄭僖三十年秦軍汎南杜注此東汎也在禁陽

牟縣南此傳襄王適鄭居汎此南汎也杜預曰在襄陽

縣南孔穎達曰南汎是鄭之西南境南近于楚西近于周故襄二十六年楚伐鄭涉汎而歸亦南汎也

晉文公既定襄王於鄭解郊洛邑王城之地也疏解

洛至鄭

之
地○水經穀水注地理志曰河南縣故鄭郿地也京
相璠曰鄭山名郿邑也卜年定鼎爲王之東都謂之京
新邑是爲王城其城東南名曰鼎門蓋九鼎所從入也京
時謂之王城注引帝王世紀曰城西有郿郿陌博物記
山案郿山卽昭二十二年傳之北山一名芒山一名平
逢山一名太平山在今河南河南府洛陽縣城東北連
鄆師孟津鞏三縣界

鞏

王勞之以地

解

王以其勤勞賞之以地謂

陽樊溫原攢茅之田辭

解

辭不受也請隧焉

解

賈侍中

云隧王之葬禮闕地通路曰隧昭謂隧六隧也周禮天
子遠郊之內有六卿則六軍之事也外有六隧掌供王
之貢賦唯天子有隧諸侯則無疏

疏

解

隧王至則無疏

侍中

以隧爲葬路○賈

二十五年傳杜注宗其說孔疏天子之葬棺重禮大

須謹慎去墳遠而闕地通路從遠處而漸邪下之隱尤僖

元尤僖

年傳公入而賦大隧之中惠棟補注引徐氏北征會也章解以大隧澗鄭莊所關故隧字阜旁从走可記曰之征百家爲遂遂以隧爲六隧推宏嗣之意以周禮萬二千起五
增郊外晉自滅耿霍虞虢等國地跨千里故請作六隧當遂之以在遂云云
不然尙書柴榮誓言魯人三郊三遂則無若謂廣三遂爲六遂已而有禁隧當遂之以在遂云云
今欲新制之也况勞以地而不受復請自分其地爲葬則有禁隧當遂之以在遂云云
自大之猜嫌乎王弗許曰昔我先王之有天下也規方
千里以爲甸服解規規畫而有之以供上帝山川百神
之祀解以其職貢供王祭也上帝天神五帝也山川五
嶽河海也百神邱陵墳衍之神也疏解上帝至墳衍之
○文選班固明

宗皆陵之羣解加秋下子亦北名汗名赤太詩堂
伯統之示神引車泮秩壇恒江光紀五嶽者爾
也之示再也鄭一涸而唯祭也僖南衡尚書大傳
于變康成驕賽如東河海潤千里史記封禪書曰
四變而致羸物及山林之示六變者邱陵墳制以
致毛物及山林之示三變而致張守五具珪璧各
致而致羽守節帝本紀集解云春天封河東岱河
以備百姓兆民之用以待不庭不虞之患解

百姓百官有世功者用財用也庭直也虞度也不直猶不道也不度不億度而至之患其餘以均分公侯伯子

男解其餘甸服之外地也均平也周禮公之地方五百

里侯四百里伯三百里子二百里男百里

疏解周禮至

禮疏凡建邦國以土圭度其地假令封上公五百里國

北畔立八尺之表夏至晝漏半得尺五寸景與土圭等

南畔得尺四寸五分其中減五分一分百里五分則五

百里減四分則四百里封侯減三分則三百里封伯減

二分則二百里封子減一分則一百里封男

疏解順順

自上公五百里以下境界皆有營城封圻

疏解順順

宇解甯安也宇居也以順及天地無逢其災害

疏解順順

天地尊卑之義也若相侵犯則有災害先王豈有賴焉

解賴贏也言無所贏皆均分諸侯內官不過九御

疏解九御

九御九嬪疏解九御九嬪○周官九嬪掌婦學之灋以教

九御非止九嬪也鄭注白九嬪而下九九而御于王所則

三夫人九嬪二十七世婦八十一年御妻以聽天下之內

疏解九御

治以明章婦順世婦不言數者君子不苟于色有
婦德者充之無則闕故宏嗣舉九嬪以包九御也外官
不過九品解九品九卿周禮內有九室九嬪居之外有
九室九卿朝焉疏解九品至朝焉○考工記鄭注三孤
治六官之屬內路寢之裏也外路門足以供給神祇而
之表也九室如今朝廷諸曹治事處足以供給神祇而
已解言嬪與卿主祭祀也稱語曰日入監九御使潔奉
禘郊之粢盛疏解言嬪至祭祀費玉齎贊后薦微豆籩世婦帥女
官而濯溉爲齎盛及祭之日泣陳女官之具几內羞之
物卿主祭祀如太宰奉齎司徒奉牛司馬奉羊宗伯奉
雞司寇奉犬司空奉豕之類說文神天神
引萬物者也示地祇提出萬物者也豈敢厭縱其
耳目心腹以亂百庶解厭足也耳目聲色心腹嗜欲也
亦唯是死生之服物采章解采章采邑文章也死之服

謂六隧之民引王柩輶以臨長百姓而輕重布之王何
異之有解輕重布之貴賤各有等也王何異之有言帝
王皆然也今天降禍災於周室余一人僅亦守府解僅
猶劣也府先王之府藏疏解府先至府藏○周官太府
內職歲職幣皆府藏也高誘國策注玉府內府外府司會司書職
府聚也賈公彥曰凡物所聚皆曰府又不佞以勤叔父
解勤勞也天子稱九州之長同姓曰叔父而班先王之
大物以賞私德解班分也大物謂隧也其叔父實應且
惟以非余一人余一人豈敢有愛也解應猶受憎惡也
言晉文雖當私賞猶非我一人先民有言曰改玉改行
解玉佩玉所以節行步也君臣尊卑遲速有節言服其

服器行其禮以言晉侯尙在臣位不宜有隧也叔父若能光裕大德更姓改物以創制天下自顯庸也解光廣也裕寬也更姓易姓也改物改正朔易服色也創造也庸用也謂爲天子創造制度自顯用于天下而縮取備物以鎮撫百姓解縮引也備物隨之屬疏解縮引也○退舍爲縮一切經音義二十引國語賈注縮退也韋云引也者文選顏延年北使洛詩臨涂未及引李善注引猶進也進爲退之反以引訓縮猶治亂曰亂蓋反訓也則縮取猶進取與余一人其流辟于裔士何辭之與有解流放也言將放辟于荒裔復何陳辭之有若由是姬姓也解謂文公未更姓而王尙將列爲公侯以復先王之職大物其未可改也解言文公若

尙在公侯之位將成霸業以興王室復先王之職則六
隧未可改也叔父其茂昭明德物將自至解茂勉也言
有天下則隧自至也余敢以私勞變前之大章以忝天
下解章表也所以表明天子與諸侯異物也其若先王
與百姓何解言無以奉先王鎮撫百姓何政令之爲也
解何以復臨百姓而爲政令乎若不然叔父有地而隧
焉解自制以爲隧也余安能知之解所不敢禁文公遂
不敢請受地而還

王至自鄭解襄王從鄭至王城也以陽樊賜晉文公解

陽樊二邑在畿內也疏解陽樊至畿內○隱十一年傳

杜注樊一名陽樊野王縣西南

有陽城案在今河南懷慶府濟源縣東南三十八里服虔曰樊仲山父所居故曰陽樊

陽人不服

解不肯屬晉侯圍之倉葛呼曰解倉葛陽人也王以

晉君爲德解爲能行德故勞之以陽樊陽樊懷我王德

是以未從於晉解懷思也謂君其何德之布以懷柔之

解懷來也柔安也使無有遠志解遠志離畔也今將大

泯其宗祊解泯滅也廟門謂之祊宗祊猶宗廟也疏解

門謂之祊○爾雅釋宮闈謂之門春秋疏引李巡注祊故廟中門名也禮器鄭注謂之祊者于廟門之旁因名

焉而蔑殺其民人解蔑猶滅也宜吾不敢服也夫三軍

之所尋解尋討也將蠻夷戎翟之驕逸不處於是乎致

武解謂諸夏之國爲蠻夷之行王于是致武以伐之此

羸者陽也未狎君政解羸弱也狎習也故未承命君若惠及之唯官是徵其敢逆命解官晉有司也徵召也何足以辱師君之武震無乃玩而頓乎解震威也玩蹠也言舉非義兵誅罰失當故君之武威將見慢蹠而頓弊也臣聞之曰武不可覲文不可匿解覲見也匿隱也言不當尙武隱文覲武無烈解烈威也匿文不昭陽不承穫甸而祇以覲武臣是以懼不然其敢自愛也解祇適也言陽人既不得承王室爲甸服又懼晉不惠恤其民適以震威耀武而見殘破不然豈敢自愛而不服乎且夫陽豈有裔民解裔民謂凶惡之民放在四裔者夫亦

皆天子之父兄甥舅也解謂我舅者吾謂之甥若之何
其虐之也晉侯聞之曰是君子之言也乃出陽民解放
令去也

溫之會晉人執衛成公歸之於周解溫晉之河陽也成
公衛文公之子成公鄭也晉文公討不服衛成公恃楚
而不從聞楚師敗于城濮懼出奔楚使元咺奉弟叔武
以受盟于踐土或訴元咺曰立叔武矣衛侯殺其子角
咺不廢命奉叔武以守晉人復衛侯衛侯先期入叔武
將沐聞君至喜捉髮走出前驅射而殺之元咺出奔晉
會于溫討不服衛侯與元咺訟不勝故晉侯執之歸之

于京師在魯僖二十八年疏

水往晉之

河陽○

水又東逕河陽縣河

故城南服虔

賈逵曰

河陽

溫也班固漢書地理志

晉太康地道記十三州志河陽別縣馬縣河

非溫邑也僖二十

八年經杜注河陽晉地今河內有河

溫縣西南三十里顯然兩地

隸河內然韋

小陽縣亦從漢地

理志之說唯范甯穀梁解溫河內同耳

是范意

解溫河內

漢書地理志之說

唯范甯穀梁解溫河內同耳

是范意

解溫河內

以溫屬之河陽

案古溫縣在今懷慶府

河陽縣西三十里顯然兩地

隸河內然韋

漢地理志最爲近古

亦以溫縣河陽縣西三十里顯然兩地

隸河內然韋

解溫河內

自本服氏賈氏之義○解成公至京師

河陽縣西三十里顯然兩地

隸河內然韋

解溫河內

解之于者執之于天子之義○解成公至京師

河陽縣西三十里顯然兩地

隸河內然韋

解溫河內

曰衛之禍文公爲之也文公逐衛侯而立叔武使人兄

弟相疑是公羊之意晉侯稱人所以歸罪于文公也

兄

解溫河內

解之于者執之于天子之義○解成公至京師

河陽縣西三十里顯然兩地

隸河內然韋

解溫河內

弟相疑是公羊之意晉侯稱人所以歸罪于文公也

兄

解溫河內

晉侯請殺之王曰不可夫政自上下者也

解溫河內

解溫河內

也上作政而下行之不逆故上下無怨

解言君臣不相

怨今叔父作政而不行無乃不可乎解不行謂不順也

解溫河內

言晉侯不行德政而聽元咺之懇欲殺衛侯夫君臣無
獄解獄訟也無是非曲直獄訟之義今元咺雖直不可
聽也君臣皆獄父子將獄是無上下也而叔父聽之一

逆矣又爲臣殺其君其安庸刑

解庸用也刑法也布刑

而不庸再逆矣一合諸侯而有再逆政余懼其無後也
解無後無以復合諸侯不然余何私於衛侯晉人乃歸

衛侯

解

在魯僖三十年晉人使醫衍酈衛侯衛侯不死

魯僖爲請于王及晉侯皆納玉十鉶于是歸之

二十四年秦師將襲鄭過周北門

解襄王二十四年魯

僖之三十三年秦師秦大夫孟明視之師也輕曰襲周

北門王城北門也

疏

解襄王至之師○詩譜秦者隴西

驪實皋

陶之子

賜姓曰嬴周孝王封其末

孫非子爲烏鼠之山伯西

庸邑之于秦谷至平王之初襄公討西戎以救周平王

東遷王城乃以岐豐之地賜之始列爲諸侯至元孫德

公又徙于雍秦本紀德公卒子宣公立卒弟成公立

弟穆公任好立周襄二十二年四

正當秦穆之三十二年

襄二十二年四

左右免胄而下解兵車參

乘御在中央故左右下也免脫也脫胄而下敬天王也

甲而拜

疏左作左右免胄而下○錢曾讀書敏求記明道二年刊本

禮不言亦載此事但言當當橐甲臣各字不拜又引韋解曰

言免胄則不

解言輕而無禮則不

當言超乘語皆下呂氏春秋日視朝拜舞後世之禮古則解

若左傳亦載此事但言當當橐甲臣各字不拜又引韋解曰

言輕而無禮則不

當言超乘語皆下呂氏春秋日視朝拜舞後世之禮古則解

若左傳亦載此事但言當當橐甲臣各字不拜又引韋解曰

言輕而無禮則不

當言超乘語皆下呂氏春秋日視朝拜舞後世之禮古則解

年傳卻至見楚子必下免胄而趨風下而免胄已是敬之極則故必使工尹襄問之蓋以答其敬也則秦師旣下更不必拜必謂此傳當有拜字未敢雷同附和也○解胄兜鍪也○荀子議兵篇冠軸帶劍注引顏師古曰著兜鍪而帶劍是胄爲兜鍪也

超乘者三百乘

解超乘者跳躍而上車

者王孫滿觀之言於王曰秦師必有謳

解滿周大夫王

孫之名謳猶咎也王曰何故對曰師輕而驕

解輕謂超乘也驕謂士卒不肅也輕則寡謀驕則無禮無禮則脫

解脫簡脫也謂不敦旅整陳寡謀自陷入險而脫能無敗乎

解險謂殺地秦師無謳是道廢也

是行也秦師還

解鄭商覺之矯以鄭伯之命犒之故還

疏解鄭商至故還○呂氏春秋先識覽秦師過周而東鄭賈人弦高奚施將西市于周道遇秦師曰嘻師所

從者遠矣此必襲鄭遽使奚施歸告乃矯鄭伯之命以
勞之曰寡君聞大國將至久矣使人臣犒勞以慰膳以
十二牛淮南子人間訓孟明舉兵襲鄭鄭之賈人弦高
遽他相與謀曰凡襲國者以爲無備也今示以知其情
必不敢進乃矯鄭伯之命以十二牛勞之三率乃還師
而反鄭伯以存國之功賞弦高弦高辭之曰誠而得賞
則鄭國之信廢以其屬徙東夷終身不享人敗諸殺獲
反案寃他與奚施異文各據所傳即也平人敗諸殺獲
其三帥丙術視解殺晉地也在今安農三帥秦三將謂
白乙丙丙乞術孟明視疏解殺晉至宏農○傳三十
西公羊傳百里奚與蹇叔送其子而戒之曰爾卽死必
殺之厥繼是文王之所避風雨者也何休曰其處阻險
故文王過之驅馳常若避風雨者也文選西征賦李善
注引劉澄之地理書有純石或謂石看水經河水注
石嶺山有二陵言山徑委深峯阜交蔭故可以避風雨
後漢建安中曹公西討巴漢西南路之險更開北道自
太守梁柳修復舊道太幡以東西嶺以西明非一年宏
農行旅率多從之今山側附路有石鎔晉太康三年宏

也案魏太和十一年置崤縣唐改硤石廢
鎮其北有崤山今崤縣故城在河南府永甯縣北五十
里○解三帥至明視○呂氏春秋先識覽蹇叔有子曰
中與視偕行高注申白乙丙也視孟明視也皆蹇叔子
也淮南人問諱高注孟明百里奚之子也僖三十二年
傳孔疏世族譜以百里孟明視爲百里奚之子則姓百
里名視字孟明也其術丙必是名西乞白乙或字或氏氏
不可明也譜云或以爲西乞術白乙丙爲蹇叔子案傳
稱蹇叔之子與師言在師中而已若是西乞白乙則爲
將帥不得云與也或說必妄記異聞耳齡謂孟明之冠
以百里傳有明文乃古覽又

晉侯使隨會聘于周

解

晉侯晉文公之孫成公之子景

公孺也隨會晉正卿士蒍之孫成伯之子士季武子也

定王饗之殺蒸

解

定王周襄王之孫頃王之子定王渝

也蒸升也升折俎之殺原公相禮

解

原公周卿士原襄

公也相佐也

疏解原公至襄公○襄公食采于原隱十一年傳杜注原在沁水縣西案今懷慶

府濟源縣西

范子私於原公

解

范子隨會也食采於隨

范故曰隨會或曰范會

疏解

范子至范會○隱五年傳

冀侯奔隨杜注隨晉地案今

山西汾州府介休縣東有古隨城閣若璩曰范今東昌

府

平陽府襄州范縣晉大夫士會邑又半屬魯後漢志東郡范

縣有秦亭莊三十年築臺于秦地道記在縣西北是也

于曰吾聞王室之禮無毀折

今此何禮也王見其語也召原公而問之原公以告王

召士季

解季范子字曰子弗聞乎禘郊之事則有全烝

解全烝全其牲體而升之也凡禘郊皆血腥也疏解郊

烝○祭法鄭注疏謂祭昊天于圜丘祭上帝于南郊曰

郊孔疏

以禘文在郊祭之前郊前之祭唯圜丘耳周官

司徒奉牛牲羞其肆小胥職云全爲肆夫人職凡祭祀其犬牲用牲物牲之言全也穆天子傳官人陳牲全五

貝又曰鑑齊牲全故五官奉牲皆用全也王公立飫則有房烝解王天子公

諸侯也禮之立成者爲飫房大俎也詩云籩豆大房謂

半解其體升之房也疏

王公至房烝○詩常棣毛傳飫私也

私者岡非常之事若議大疑于堂則有飫禮焉疏引孫

炎爾雅注飫非公朝私飫欲酒也燕禮云既脫屨乃升

堂少儀云堂上無跣燕則有之是燕坐而脫屨明立

則不脫矣詩闕宮毛傳大房半體之俎也鄭箋大房玉

餚俎也其制足間有橫下有跗似乎堂後有房然疏引

明堂位注房謂足下跗也上兩間有似乎堂房然疏引

是半體之俎者皆禮婦饋舅姑特豚合升側載注右親

畔載之舅俎左畔載之姑俎是俎載半畔之事也

親

戚宴饗則有穀烝解穀烝升體解節折也俎謂之折俎

也疏戚是也鄭康成曰親戚王之同族父兄箕子紂之親

食之名切肉爲穀乃升于俎故謂之穀烝杜預曰體解

節折升之于俎物皆可食所以示慈惠也孔穎達曰體解

飲微烝其數無文若祭祀體解案特牲饋食禮有九體
則肩一臂二臑三肫四脢五正脊六橫脊七長脊八短
脣九此謂士禮也若大夫禮則十一體加脊代脣其諸侯天子無文或同十一今女非它也
而叔父使士季實來修舊德以獎王室解獎成也唯是
先王之宴禮欲以貽女解貽遺也余一人敢設飲禘焉
解飲半體禘全體忠非親禮而于舊職以亂前好解忠
厚也親禮親戚寔饗之禮也舊職故事前好先王之好
也且唯夫戎翟則有體薦解體委與之也夫戎翟首沒
輕儻貪而不讓解首抵觸也沒入也儻進退上下無列
也其血氣不治若禽獸焉其適來班貢不俟馨香嘉味
解適往也班賦也故生諸門外而使舌人體委與之解

舌人能達異方之志象胥之官也

疏

解舌人至之官

九譯辭綜注重舌爲曉夷狄語者

李周翰

注重舌謂重

爲敘其詞舌以譯其意周官象胥每翟上士一人中士二人下士八人注通夷狄之言曰象胥其有才知者也

周

上士一人中士二

東方曰寄南方曰象西方曰狄鞮北方曰譯今總名曰

周

上士一人中士二

象者周之德先致南方也

周

上士一人中士二

女今我王室之二兄弟以時相見

疏

解兄

弟晉也將歛協典禮以示民訓則

疏

解協合也典常也無

亦擇其柔嘉

解無亦不亦也柔脆也嘉美也

選其馨香

潔其酒醴品其百籩

疏

解籩竹器容四升其實棗栗糗餌

之屬

疏

解籩竹器至之屬○周官籩人疏籩是竹器者

漢禮器制度知之也案賓饗之籩其實未詳祭祀之籩

疏

解籩竹器至之屬○周官籩人疏籩是竹器者

之百籩

修其簠簋

解修備也 簠簋黍稷之器

疏

解簠簋至之器

○簠

說文黍稷圓器也

詩秦風毛傳外方內圓曰簠

貯稻粱容一斗二升

儀禮聘禮兩簠繼之梁在北考

記旅人爲簠實一穀崇尺疏祭廟用木簋此用瓦簋

天地及外神尚質儀禮公食大夫禮宰夫東面坐啓簋

會各卻于其西故知簠簋爲黍稷器也

奉其犧象

解犧犧尊飾以犧牛象

象尊以象骨爲之飾

疏解犧尊至之飾

說文犧尊有沙飾也

詩閼宮毛傳周官傳

鄭司農注犧尊飾以翡翠與毛義同淮南叔眞訓高注

疏犧讀曰希猶疏鏤之尊司農又云象尊以象鳳凰或曰

以象骨飾尊阮諶禮圖云犧尊飾以牛象尊飾以象以

尊腹之上畫爲牛象之形王肅云魯郡于地中得齊大

夫子尾送女器有犧尊以犧牛爲尊然則象尊尊爲象

形也二尊形如牛象而背上負尊案驗之宣和博古圖

肅說出其尊彝

解尊彝皆受酒之器

疏

解尊彝至之器

六尊犧尊象尊著尊壺尊太尊山尊六彝雞彝鳥彝

尊皆盛酒器也

郭注

皆盛酒器也

彝法也與餘名禮記疏云陳其鼎俎解俎設于左牛豕爲

一列魚腊腸胃爲一列膚特于東

疏

陳其鼎俎○儀禮聘禮饋饗五牢

于賓館餌一牢鼎九設于西階前牛鼎一羊鼎一豕鼎

一魚鼎一腊鼎一腸胃鼎一膚鼎一鮮魚鼎一鮮腊鼎

一凡九鼎從北向南而陳又有陪鼎三其一曰脯鼎牛

臘也在牛鼎之西其一曰膚鼎羊臘也在羊鼎之西其

廉腥二牢陳于東階之前南陳牢別七鼎無鮮魚鮮腊

也并上饋一牢所謂死牢三又餌二牢陳于門內之西

是卿之饋餌五牢公食大夫禮士設俎于豆南西上牛

尊也公次大夫禮又言膚以爲特鄭注直豕與腸胃東

也特膚者出下牲賤案奉俎靜其巾幕解靜潔也巾幕

者北面西上則以左爲尊也靜其巾幕

解被除

所以覆尊彝疏靜其巾幕○周官幕人掌共巾幕祭祀

解被除

王巾皆用繡賈公彥曰言凡非一四

解被除

飲三酒之外籩豆俎簋之屬皆用之敬其被除解被除

猶掃除也

疏敬其祓除○儀禮聘禮主人曰不腆先君之祿既拚以俟矣釋文拚謂掃酒周禮守

祿職其廟則有司修除之義體解節折而共飲食之於是謂潔除亦是潔靜之義

乎有折俎加豆

解

加豆謂既食之後所加之豆也其實

芥菹免醢之屬

疏

解加豆至之屬○周官醢人加豆之實

菹魚醢

鄭注

岸楚葵也鄭司農云深蒲醯醢菹筍

菹魚醢

鄭注

或曰深蒲或曰深蒲桑耳醯醢肉醬也菹水中魚衣故書

雁或爲鶴

杜子春注

當爲雁元謂深蒲蒲始生水中子

菹箭萌筍竹萌

鄭注又云作醐及醐者必先膊乾其肉

乃後莖之雜以梁麌及鹽漬以美酒塗

解

置瓶中則成矣粢免醢醐以免肉作之酬幣

解

報也聘有酬賓束帛之禮其宴束帛爲好謂之宴貨疏

酬幣宴貨○儀禮聘禮致饗于酬幣亦如之鄭注酬幣

饗禮酬賓勘酒之幣也所用未聞也禮幣束帛乘馬亦

不^是過也禮器曰琥璜爵蓋天子酬諸侯賈疏琥璜爵

者天子酬諸侯相酬以此玉將幣也公侯伯用琥

子男用璜案天子于諸侯既異等則諸侯酬卿大夫幣必更殺也昭五年傳宴有好貨杜注宴飲以貨爲好衣服車馬在客所無孔疏明年晉季武子重其好貨僖二十九年介葛盧來禮之加宴好是也以示容合好解示容儀合好也胡有子然其效戎羣也解子

然全體之貌夫王公諸侯之有飫也將以講事成章解講講軍旅議大事也章程也建大德昭大物也解大德大功大物戎器也故立成禮而已解立成不坐也

升其備物而已飫以顯物宴以合好解顯物示物備也

歲飫不倦解歲行飫禮不至於解倦時宴不淫解一時

之間必有宴禮不至於淫酒月會解會計也計一月之

經用旬脩解脩十日之中所成爲者日完不忘解日完

一日之所爲不忘不忘其禮也服物昭庸采飾顯明解

庸功也冕服旗章所以昭有功采色之飾所以顯明德也文章比象解黼黻錦繡之文章也比象比物以象山

龍華蟲之屬周旋序順解周旋容止也序次也各以次

比順于禮也容貌有崇解崇節也容止可觀也威儀有

則解則法也其威可畏其儀可度也五味實氣解味以

實氣氣以行志疏

五味實氣○淮南隆形訓鍊甘生酸鍊酸生辛鍊辛生苦鍊苦生鹹鍊鹹

反甘內經岐伯曰天食人以五氣地食人以五氣五氣入歸藏于心肺五味入口藏于腸胃味有所藏以養五氣氣和而生津液相成神乃自生五色修明音聲能彰此言實氣之必由五味也○解味以至行志○昭九年傳杜注氣和則志充疏調和飲食之味以養人所以行人氣也氣得和順所以充人志也墨子曰古之人其爲

食也足以增氣充虛而已

五色精心

解

五色之章所以充虛則志爲氣之帥矣

異賢不肖精其心也

疏

五色精心○桓二年傳疏物不虛設必有所象其物皆象五色

故以五色明之謂車服器用

五聲昭德

解

昭德謂政平以賢不肖分尊卑昭等級也

者其樂和也亦謂見其樂知其德

疏

解昭德至其德樂緯動聲儀宮爲臣君君者當寬大容衆故聲和以舒其和情以柔商爲民者當以發明君之號令其聲散以明其和溫以斷角

爲臣者當以靜微爲事事者當儉約不奢僭差故其聲防以約其和清以

其聲散以虛其和斷以散又云音相生物者不有委疾故

其聲散以疾其和平以功羽爲生物者不有委疾故

其聲散以虛其和斷以散又云音相生物者不有委疾故

其聲散以疾其和平以功羽爲生物者不有委疾故

其聲散以虛其和斷以散又云音相生物者不有委疾故

其聲散以虛其和斷以散又云音相生物者不有委疾故

其聲散以虛其和斷以散又云音相生物者不有委疾故

其聲散以虛其和斷以散又云音相生物者不有委疾故

其聲散以虛其和斷以散又云音相生物者不有委疾故

其聲散以虛其和斷以散又云音相生物者不有委疾故

其聲散以虛其和斷以散又云音相生物者不有委疾故

父義母慈兄友弟恭子孝也飲食可饗歛同可觀

解

穀

烝故可饗以可去否曰和一心不二曰同和同之用行則德義可觀財用可嘉解酬幣宴貨以將厚意故可嘉也則順而建德解則法也建立也古之善禮者將焉用全烝武子遂不敢對而退歸乃講聚三代之典禮解三代夏殷周也於是乎修執秩以爲晉法解秩常也可奉執以爲常法者晉文公蒐於被廬作執秩之法自靈公以來闕而不用故武子修之以爲晉國之法疏解秩常之法○僖二十七年傳杜注蒐頤少長明貴賤缺秩主爵秩之官蓋文公廟此法而特舉大蒐以頤之也

定王使單襄公聘於宋解單襄公王卿士單朝也聘問也問者王之所以撫萬國諸侯存省之疏聘于宋○隱元年傳杜注

宋梁國睢陽縣孔疏宋國公爵譜云宋子姓武王封紂子武庚以紹殷後武庚作亂周公討而誅之更封微子啓爲宋公案睢陽故城在今歸德府商丘縣南定王六年當宋文公十年遂假道於陳

解

假道自宋適楚經陳也是時天子微弱故以諸

侯相聘之禮假道也聘禮若過國至於境使次介假道

束帛將命于廟

疏遂假至于楚○隱四年傳杜注陳國桓二年傳杜注楚國南郡江陵縣北紀南城孔疏譜云

楚莘姓顓頊之後其後鬻熊事周文王早卒成王封其子于楚以子男之田居丹陽南郡枝江是也熊

通始稱武王居郢江陵是也案江陵卽今荊州府府城

紀南城在府北十里枝江卽今荊州府

城定王六年當楚莊王十三年也

火朝覲矣道茀

不可行也解火心舉也覲見也草穢塞路爲茀朝見謂

夏正十月晨見於辰

疏火朝覲矣○月令章句自亢八度至尾四度謂之大火之次開

元占經分野畧例云於辰在卯爲大火東方爲木心星
在卯火出木星故曰大火史記天官書心爲明堂律書
心爲故心爲大火九月之昏火始入十月之昏則伏故晨
見于東方孔穎達曰天文家言星去日半次則得朝見
○道茀不可行○爾雅釋詁覩茀離也郭注謂草木
之叢莖翳也茀離卽彌離邵疏彌離又轉作妣離後
又轉作靡離淮南繆稱訓械生于弗振故
知械爲候不在疆解候人也掌迎送賓客者疆境也
塞路也候不在疆解候人也掌迎送賓客者疆境也
周禮候人上士六人下士十有二人各掌其方之道治
與其禁令以設候人若有方治則帥而致于朝及司空
歸送之于竟鄭注引此傳疆作竟譏不居其方也司空
不視涂解司空卿官掌道路也疏令命司空曰巡行國
邑周視原野修利隄防道達溝瀆開通道路無有障塞
淮南時則訓正月官司空高注司空主土周禮遂人鄭
注徑畛涂道路皆所以通車徒于國都也徑容牛馬畛
容大車涂容乘車一軌道容二軌路容三軌此傳舉涂

以包徑畛

澤不陂

解

陂郭也古不資澤故郭之川不染

道路也

○疏

流曰川梁渠梁古不防川故梁之疏

○解

流曰至梁之

謂之梁說文梁木橋也

莊四年傳除道梁溠襄二十八年僻牋舟發梁淮南繆稱訓若行獨梁高注獨梁一木

橋詩有狐毛傳石絕水曰

梁則又有以石爲之者

野有庾積

○解

唐尚書云十六

斗曰庾昭謂此庾露積穀也

詩云曾孫之庾如坻如京

是也

疏野有庾積○周禮遂人掌邦之野鄭注此野謂甸稍縣鄙是圃門之外通謂之野史記文帝紀

集解引應邵曰水漕倉曰庾胡廣曰在邑曰倉

在野曰庾索隱引郭璞注三倉云庾倉無屋也

場功未

畢解治場未畢也詩云九月築場圃道無列樹

○解古者

列樹以表道且爲城守之用

疏解古者至之用○呂氏春秋松柏成而涂之人已蔭矣鄭風東門之墠毛傳栗行上栗也孔疏栗在東

門之外不處園圃之間則是表道樹也襄九年傳趙武

魏絳斬行栗杜注行栗表道樹襄十八年傳趙武及秦周伐雍門之萩劉難士弱焚申池之竹木蓋表道以樹護城也

猶若藝物

疏解藝猶至藝物○堯典播時百穀

時鄭讀曰時說文蒔更別種也

膳宰不

致餼

解膳宰膳夫也掌賓客之牢禮生曰餼

疏解生曰儀

禮聘禮歸饗餼五年于賓館館一牢鼎九設于西階前
腥二牢陳于東階之前南陳并上館一牢所謂死牢三
又餼二牢陳于門內之西僖三十三年傳餼奉竭矣孔
穎達曰餼與奉相對是牲可奉行則餼是已殺殺又非
熟謂生肉未煮者其實餼亦生哀二十司里不授館解
四年傳餼藏石牛是以生牛賜之也

司里不授館

疏解司里至客館○周官里宰
司里里宰也掌授客館疏每里下士一人掌比其邑之
衆寡與其六名兵器治其政令疏邑是人所
居之處里又訓爲居此里宰司授館之事

國無寄寓

解寓亦寄也無寄寓者不爲廬舍可以寄羈旅之客

疏

解寓亦至之客○周禮遣人凡國野之道十里有廬止宿若今亭有室矣候館樓可以觀望者也一市之間有三廬一宿無寄寓縣無施舍

解

四甸爲縣縣方六

里施舍者所以施舍賓客負任之處

疏

解四甸至之處

九夫爲井四井爲邑四邑爲邱四邱爲甸四甸爲縣注甸之言乘也讀如東甸之甸甸方八里旁加一里則一方十里爲一成積百井九百夫其中六十井三百七十六夫出田稅三十六井三百二十四夫治洫四面爲縣方二十里案此注甚明韋解原本必作縣方二十里後人傳寫譌爲六十里明道本又疑六十里不近人情妄改爲十六里皆未檢周禮注也施古通弛莊二十里年弛于負擔言旅人可以弛所負任而舍止之處也

民將築臺於夏氏

解

民陳國之民臺觀臺也夏氏陳大

夫夏徵舒之家及陳陳靈公與孔甯儀行父南冠以如

夏氏畱賓弗見解及至也陳靈公舜後恭公之子靈公

平國也孔甯儀行父陳之二卿南冠楚冠也如之也往

之徵舒家淫夏姬賓單襄公也

疏解南冠楚冠○成九年傳疏引應劭漢官

儀曰法冠一曰柱後冠左傳南冠而繫則楚冠也秦滅

楚以其冠賜近臣御史服之卽今解鴈冠也古有解鴈

獸觸不直者故執憲以其形用爲冠令觸人也史記高

祖本紀高祖爲亭長以竹皮爲冠索隱引應劭云一名

長冠蔡邕獨斷云長冠楚製也南

冠文在二卿下則二卿並南冠也

單子歸告王曰陳侯

不有大咎國必亾解單子襄公也卿大夫稱子于私土

稱公王曰何故對曰夫辰角見而雨畢解辰角大辰蒼

龍之角角星名也見者朝見東方建戌之初寒露節也

雨畢者殺氣日盛雨氣盡也

疏解辰角至露節○史記律書角者言萬物皆有

枝格如角也故天官書云左角李右角將桓五年傳龍
見而秀續漢志引服虔云龍角亢也莊二十九年傳龍
方疏月令季秋之月日在房漢書律歷志論星之度數
角十二亢九氏十五自角之初至房初三十六度於晨
之時日體在房故角亢見在東方東方之宿盡爲龍星
角卽蒼龍角也故天根見而水涸解天根亢氏之間也
涸竭也謂寒露雨畢之後五日天根朝見水潦盡竭月
令仲秋水始涸天根見乃盡竭疏解天根至盡竭○史
亢見也氏者言萬物皆至也夏小正云四月初皆南門
正十月初昏南門見南門者亢上下之星也亢四星曲
而長故天官書云亢爲疏廟其南北兩大星曰南門小曲
正以識亢星所在氐四星側向以承柢故爾雅云天根
氏也史記天官書索隱引孫炎注角亢下繫于氐若木根
之有根故云亢氐之間也衆經音義引爾雅音義天根
爲天下萬物作根柢故曰天根自角至箕七宿謂之蒼根

見東方說文涸渴也渴盡也淮南主術訓不涸盡也

木節解解本氏也謂寒露之後十月陽氣盡草木之枝

節皆理解也

疏

解本氏至理解○史記天官書氏爲天根說文柢木根也根木株也木下曰本

淮南修務訓攝提鎮星日月東行而入謂日月星辰西移者以大氏爲本也桓十六年傳疏天根見謂九月末文遷吳都賦劉達注霜降之後

生氣既衰草木枝葉皆理解也駟見而隕霜解駟天駟房星也隕落也謂建戌之中霜始降

疏

解駟天駟房星○爾雅釋天天

駟房星郭注龍爲天馬故房四星謂之天駟房四星下垂而長故天官書云房爲府曰天駟其陰右驂索隱引詩紀厤樞云房爲天馬主車駕宋均云房既近心爲明祥辰正也又謂之馬祖周禮鄭注引孝經說曰房爲龍馬史記天官書正義房星君之位亦主左驂亦主良馬故爲駟王者恆祠之是馬祖也東方荅龍七宿駢居其中央而日乘焉駢見則龍華畢矣火見而清

風戒寒

解

謂霜降之後清風先至所以戒人爲宿備也

故先王之教曰

雨畢而除道水潤而成梁

解教謂月令之屬也九月雨畢十月水潤草木節解而備藏解備收

藏也月令季秋農事畢收隙霜而冬裘具

解孟冬則天子始裘故九月可以具之疏

解孟冬至其之○周禮司裘中秋獻良裘季秋獻功裘以得頤賜法良善也功裘人功微羣謂狐青麌裘功之屬鄭司農云良裘王所服也功裘卿大夫所服清

風至而修城郭宮室

解謂火見之後建亥之初也故夏

令曰九月除道

十月成梁

解夏令夏后氏之令周所因也除道所以便行旅成梁所以便民使不涉也疏

○爾雅釋宮一達謂之道路

路道蹈也

路露也人所踐蹈而露見也案除爲蠲掃穢

塞修補圯闕也莊四年傳除道梁差其時儆曰收而場功備而畚揭解時

儆時所以儆告其民也收而場功使人修囷也備具也

畚器名土籠也揭昇土之器具汝畚揭將以築作也疏

備而畚揭○宣二年公羊傳注畚艸器若今市所量穀者齊人謂之鍾春秋疏引說文畚蒲器可以盛糧韓詩

外傳鮑焦挈畚采蔬遇子貢于道是畚可以盛糧盛菜

以艸索爲之今人猶有此器形制似筭裏九年傳疏說文云揭載持也載持者執持此耜其臂如載形故也其

字從手謂以手持物也與畚共文畚是盛土之器則揭

是耜土營室之中土功其始解定謂之營室謂建亥小

雪之中定星昏正於午土功可以始也詩云定之方中

作于楚宮疏○營室至其始○爾雅釋天營室謂之定詩

營室中爲正史記律書營室者主營胎陽氣而產之室二星相對出離宮六星三向倒天官書營室爲清廟

離宮閣道詩廊風毛傳方中昏正四方鄭箋定星昏中而正于足是可以營制宮室故謂之營室定昏正而中謂小星時其體與東壁連正四方孔穎達曰毛不取記時而名營室者謂視其星而正南北以營宮室鄭以爲定星之昏正四方而中之時謂夏之十月小星者十月之中氣十二月皆有節氣有中氣十月立冬節小星中今國語以記時爲義則箋義實與國語合月令孟冬言昏危仲冬言昏東壁中不言昏營室中者營室在危東壁之間孔穎達謂十六度日行一度至十月半而室中十一月初而壁中也莊二十九年傳水昏正而裁杜注謂今十月定星昏而中于是樹板榦而興作疏五行北方水故北方之宿爲水星裏三十年春秋疏營室東壁名也

火之初見期於司里解期會也致其築作之具

會於司理之官疏

期於司里○周禮里宰掌比其邑之衆寡以歲時合耦于鋤以治稼穡注鄭司農云鋤讀爲藉杜子春云鋤讀爲助謂相助佐也若今街彈之室于此合耦使相助也元謂助因放而爲名案耕時於里宰治處之合人與器故築時亦于此合人與器也

此先王所以

不用財賄而廣施德於天下者也

解

施德謂因時警戒

謹蓋藏成築功也今陳國火朝覲矣而道路若塞野場

若棄澤不陂障川無舟梁解舟梁以舟爲梁也疏解以

梁○詩大雅造舟爲梁鄭箋天子造舟周制也爾雅釋水天子造舟郭注比船爲橋此章義所本然此傳言陳子

國不恤其民當指民所乘之舟所行之梁未可引天子

之制以釋之襄二十八年傳陳無宇濟水而載舟發梁

舟梁對文是廢先王之教也周制有之曰列樹以表道

爲二物也立鄙食以守路解鄙四鄙十里有廬廬有飲食國有郊

牧解國外曰郊牧放牧之地疏釋地邑外謂之郊郊外謂之牧鄙皆涵曰說文距國百里爲郊據天子郊畿千里又云賓至於近郊是也小雅出車于彼牧矣毛傳山車在遠郊皆畜牧之地

是鄭以遠郊
畧有寓望解畧境也境界之上有寄寓之

舍候望之人

疏

解畧境至之人○寓望謂寄寓之樓可
官中士下上而賓客羈旅則委人以甸稍之畜供之卽
史記高祖本紀正義所云十里一亭十亭一鄉是也

藪有圃草解澤無水曰藪圃大也必有茂大之艸以備

財用

疏解澤無至財用○周禮大宰

藪以財得民昭二十年傳藪之新蒸虞侯守之詩釋文引韓詩草

句禽獸居之曰藪澤夷注水鍾曰澤水希曰藪邵音涵

曰澤爲大藪衆流所歸藪則卑整之地廣大之墟潦盡

水涸草木禽獸叢集其間故風俗通義云藪之言厚也

艸木魚鼈所以厚養人君與百姓也文選李善注引韓

詩東有圃艸辟君章句圃

疏

解圃苑至積水○文選兩都賦序李善注
博也有博大之茂艸也

樹果曰苑畜獸曰囿西京賦辟綜注木叢生

疏

所以禦災也文池沼也禮月令注穿地通水曰池

卽牧田也

疏

解畧境也

也解禦備也災饑兵也其餘無非穀土民無縣耜

解言

常用也入土曰耜耜柄曰耒

疏

解入土至日耒○漢書食貨志顏注耒手耕曲

木也耜未端木野無奧草

解

皆墾辟也奧深也不奪民

時不蔑民功解蓑棄也有優無匱有逸無罷國有班事

解國城邑也班次也執事有次縣有序民解縣鄙之民

從事有序今陳國道路不可知田在草間

解

不墾者多

功成而不收解野場若棄也民罷於逸樂

解

罷于爲國

君作逸樂之事是棄先王之法制者也周之秩官有之

解秩官周常官篇名曰敵國賓至關尹以告解敵位敵

也關尹司關掌四方賓客而關則爲之告聘禮曰及境

謁關人關人問從者幾人遂以入境

疏

○解關尹至入境

士二人中士四人凡四方賓客敏關則爲之告鄭行注謂朝聘者也敏關猶謁關人也疏敏猶至也

以節逆之解理吏也逆迎也執瑞節爲信而迎之也行

理小行人

疏

○解理吏至小行人○昭十三年傳行李之命杜注行理使人僖三十年傳行李之往

來杜注同襄八年傳一介行李

杜注

行李之往

李字通前漢天文志騎官左角曰理史記天官書作李

韋賈用

○解理吏也小行人也周禮小行人下則理

韋賈達左傳大夫四人掌逆勞及達六節之事晉子朱子員鄭子羽

伯有之等俱無大行人之稱故賈韋二家定爲小行人

候人爲導

解

導賓至于朝

出送之境卿出郊勞

解

○解聘禮曰賓至于近郊君使卿朝

服用束帛勞

疏

○解卿出郊君使下大夫請行反君使卿朝服用

束帛勞上介出請入告賓禮辭迎于舍門之外再拜勞者不答拜賓揖先入受于舍門內勞者奉幣入東面致

命賓北面聽命還少退再拜稽首受幣勢者出授書幣

東錦儻勞者勞者禮辭賓揖先入勞者從之乘皮設賓用

幣勞者揖皮出乃退賓送再拜稽首送郊勞之禮也門尹除

門解門尹司門也除門掃除門庭也疏門尹除門○周

二人上士四人中士八人下士十有六人凡歲時之門

受其餘鄭司農云受祭門之餘蓋其職以門爲主故賓

至之掃除也宗祝執祀解宗宗伯祝太祝也執祀賓將有

事于廟則宗祝執其祭祀之禮疏宗祝執祀○周禮宗

父弗忌爲宗大父曰使宗人費夏獻其禮特牲曰宗人

升自西階視壺濯及豆巍然則宗官典國之禮與其祭

祀漢之大常是也大祝下大夫二司里授館解司里授

客所當館次於卿也聘禮卿致館司徒具徒解具徒役

修道路之委積司空視塗解視險易也司寇詰奸解禁

詰姦盜虞人八材

解

虞人掌山澤之官祭祀賓客各供

其材

疏

虞人八材

○周禮山虞每大山中士四人下士

澤大鼓

中士四人下士六人

小山下士二人

澤虞每大澤小鼓如小川之衡漢書百官公卿表顏注虞度也主

商度山川之事

荀子王制篇修火憲養山林數澤艸木

魚鼈百索以時禁發使國家足用而財物不屈虞師之主

賓館事也入材供

甸人積薪

解

甸人掌薪蒸之官也

疏

積薪

饔之事

鄭注木大曰薪小曰蒸

火師監燎

解

火師司火

燎庭燎也

疏解火師至庭燎

○周禮司烜氏凡邦之大

大燭于門內

○侯伯子男皆三十

庭燎所以照衆爲明疏引鄭康成曰庭

燎之差

公蓋五十

侯伯子男皆三十

庭燎所作依慕容

之所爲以革爲中心

以布纏之飴密灌之若今

水師掌水監滌翟之事者

疏

萍氏掌國之水禁幾酒

則水師其膳宰致饗解熟食曰饔廩人獻餼解生曰餼萍氏與

禾米也

疏

膳宰至獻餼○聘禮歸賓館饗餼五牢謂餼

餼牢廩人主萬民之食故主禾米聘儀餼客于舍五牢

之具陳于內米三十車禾三十車皆陳于外餼是生牲

非禾米也因禾米後五牢之後故

司馬陳芻解司馬掌五牢及禾米並可稱餼而獻也

司馬陳芻解司馬掌

帥圉人養馬故陳芻圉人職屬司馬

疏子王制篇司馬

知師旅甲兵乘白之數淮南時則訓十月官司馬周禮

夏官圉人良馬匹一人駕馬麗一人掌養馬芻牧之事

以役圉師司馬政卿未必躬自陳芻故知使

工人展車圉人陳之詩大雅板疏芻者飼牛馬之艸也

工人展車

解展省客車補傷敗也

疏工人展車○荀子王制篇論

便備用使彫琢文采不敢專造于家工師

之事也成十七年傳展車馬杜注展陳也

百官官以物

至賓八如歸是故大小莫不懷愛解大小謂賓介也其

貴國賓至則以班加一等益虔解貴國大國也班次也

(疏)益虔○詩小明虔共爾位殷武毛傳虔敬也東哲補亡詩易增爾虔至於王使則皆官

正涖事解正長也涖臨也上卿監之解監視也若王巡

守則君親監之解周禮王十二歲一巡守疏解周禮至

禮大行人王所以撫邦國諸侯者歲偏存三歲偏規五

歲偏省七歲屬象胥論言語協辭命九歲歸瞽史諭書

名聽聲音十有一歲達瑞節同度量成牢禮同數器修

法則十有二歲王巡守殷國隱八年公羊傳巡猶循也

守猶守也循行守視之辭亦不可國至人見今雖朝也

爲煩擾故至四獄足以知四方之政而已

今雖朝也

不才有分族於周解朝單子之名有分族王之親族也

承王命以爲過賓於陳解假道爲過賓而司事莫至是

蔑先王之官也解蔑歎也先王之令有之曰解文武之

教天道賞善而罰淫故凡我造國無從非彝解造爲也

彝常也無卽慆淫解卽就也慆慢也各守爾典以承天

休解典常也休慶也今陳侯不念脩續之常

疏今陳至之常○

爾雅釋詁允續繼也左傳疏引舍人云允繼也說文子孫相承續也續者周頌良耜云續古之人

棄其

伉儷妃嬪解伉對也儷偶也而帥其卿佐以淫於夏氏不亦瀆姓矣乎

解

卿佐孔儀也賈唐二君云姓命也一

曰夏氏姬姓鄭女亦姬姓故謂之瀆姓昭謂夏徵舒之

父御叔卽陳公子夏之子靈公之從祖父姬姓也而靈

公淫其妻是爲褻瀆其姓陳我大姬之後也

解大姬周

武王之女虞胡公之妃陳之祖妣也棄袞冕而南冠以

出不亦簡彝乎解袞卷龍之衣冕大冠也公之盛服簡

畧也彝常也言其棄禮簡畧常服也疏

○周禮司服王服

享先王則袞冕鄭司農云袞卷龍衣也鄭康成曰冕服

九章初一曰龍次二曰山次三曰華蟲次四曰火次五

曰宗彝皆畫以爲續次六曰藻次七曰粉米次八曰黼

次九曰黻皆希以爲繡則袞之五章袞四章凡九也陳

侯爵當用鷩冕以備三恪

是又犯先王之令也解先王

而祀虞舜其得用袞冕與

之令無從非彝昔先王之教茂帥其德也猶恐隕越解

言勉帥其德猶恐落墜若廢其教而棄其制蔑其官而犯其令將何以守國解無禮則危居大國之間而無此

四者其能久乎解四者謂教制官令也六年單子如楚

解定王六年魯宣之八年八年陳侯殺於夏氏

解八年

魯宣之十年也陳靈公與孔甯儀行父飲酒于夏氏公謂行父曰徵舒似汝對曰亦似君徵舒病之公出自其廄射而殺之九年楚子入陳解楚子莊王也入陳討夏氏殺君之罪既滅陳而復封之故曰入唐尚書云遂取陳以爲縣誤也疏春秋似順論云荆莊王欲伐陳使人視之使者曰陳不可伐也莊王曰何故對曰城郭高溝洫深畜積多也甯國曰陳可伐也夫陳小國也而畜積多賦斂重也則民怨上矣城郭高溝洫深民力疲矣興兵伐之陳可取也莊王聽之遂取陳焉與此不同者傳依簡牘本紀彼采傳聞異辭所說既殊其文亦異

定王八年使劉康公聘於魯解劉畿凡之國康公王卿士王季子也疏解劉畿內之國○劉古通畱案畱有二宋之畱在彭城張良遇高祖處周之畱

在緜氏卽劉康公采邑在今河南府偃師縣南緜氏以邑爲氏則畱在東周畿內說文解字鐸殺也徐錯曰多故

疑此卽劉字从金从彌刀屈曲傳寫誤作田蓋詩有文

作畱則畱卽鐸卽劉隱十一年傳王取鄖劉蔚刊之

于鄭杜注緜氏縣西北有劉亭蓋先本鄭邑而後爲

公食發幣於大夫

解發其禮幣于大夫

季文子孟獻子

皆儉

解二子魯卿季文子季友之孫齊仲無佚之子季

孫行父也孟獻子仲慶父之曾孫公孫敖之孫孟文伯

歎之子仲孫蔑也儉居處節儉也叔孫宣子東門子家

皆侈

解二子魯大夫叔孫宣子叔牙之曾孫莊叔得臣

之子叔孫僑如也東門子家莊公之孫東門襄仲之子

公孫歸父也歸王問魯大夫孰賢對曰季孟其長處魯

公孫歸父也歸王問魯大夫孰賢對曰季孟其長處魯

之子叔孫僑如也東門子家莊公之孫東門襄仲之子

皆侈

解二子魯大夫叔孫宣子叔牙之曾孫莊叔得臣

乎叔孫東門其亾乎若家不亾身必不免王曰何故對曰臣聞之爲臣必臣爲君必君翼臣尙敬君尙惠也寬肅宣惠君也解肅整也宣徧也惠愛也敬恪恭儉臣也寬所以保本也解本位也寬則得衆故可以守位肅所以濟時也解濟成也宣所以教施也解施徧則民不怨惠所以和民也本有保則必固時動而濟則無敗功解不于時而動則無敗功也教施而宣則徧惠以和民則阜解阜厚也若本固而功成施徧而民阜乃可以長保民矣其何事不徹解徹達也敬所以承命也恪所以守業也恭所以給事也儉所以足用也解儉則有餘故所

以足用以敬承命則不違以恪守業則不懈以恭給事
則寬於死解寬猶遠也以儉足用則遠於憂解無乏絕
之憂且遠驕僥之罪也若承命不違守業不懈寬於死
而遠于憂則可以上下無隙矣解上下君臣也隙瑕釁
也其何任不堪上任事而徹下能堪其任所以爲令聞
長世也解長世多厯年也今夫二子者儉則能足用矣
解二子季孟言二人其能以儉足用也用足則族可以
庇解庇覆也恭儉節用無取于民國人說之故其宗族
可以覆蔭二子者侈侈則不恤匱匱而不恤憂必及之
解志在奢侈不恤人之窮匱故憂患必及之若是則必

廣其身

解

廣大也務自大不顧其上也且夫人臣而侈

國家弗堪

凸之道也王曰幾何對曰東門之位不若叔

孫而泰侈焉不可以事二君

解東門大夫叔孫卿也位

在人下而侈其上重而無基故不可以事二君

叔孫孫也位

位不及季孟而亦泰侈焉不可以事三君

解叔孫下卿

季孟上卿若皆蚤世猶可

解蚤世蚤卽凸也其家猶可

以免也若登年以載其毒必凸

解登年多厯年也載行

也毒害也必凸家必凸也

疏解載行也○昭十年傳引

布陳大利以賜天下行

之周徧是載爲行也十六年魯宣公卒

解

定王十六

年魯宣之十八年赴者未及東門氏來告亂子家奔齊

解來告告周大夫也東門子家謀去三桓使如晉未反宣公薨三桓逐子家遂奔齊也諸侯大夫以君命使出必有禮贊私覲之事以通情結好吉凶相告子家嘗使于周故以亂告也告在魯宣十八年赴者未及明不及二君簡王十一年魯叔孫宣伯亦奔齊成公未沒二年解簡王定王之子簡王夷也十一年魯成十六年也宣伯儒如也通于宣公夫人穆姜欲去季孟而專公室國民逐之故出奔齊言成公未沒二年明不及三君也簡王八年魯成公來朝解簡王八年魯成十三年也成公將與周晉伐秦而朝疏魯成公來朝○桓元年公羊注王者與諸侯別治勢不得

自專故卽位比年使大夫小聘三年使上卿大聘四年
又使大夫小聘五年一朝王者亦貴得天下之歡心以
事其先王因助祭以述其職故分四方爲五部部有四
輩主一時孝經曰四海之內各以其職來助祭今成
公本爲伐秦道出京師因遂朝王經先書公如京師後
書伐秦若以公專心于朝朝訖乃伐秦也非周初之定
制也

使叔孫僑如先聘且告

解使僑如先修聘禮且告周

以成公將朝也見王孫說與之語

解說周大夫也說言

於王曰魯叔孫之來也必有異焉其享覲之幣薄而言
謗始請之也若請之必欲賜也魯執政唯強故不歡焉
而後遣之

解

魯執政之人唯畏其強禦難距其欲故不

歡說而後遣之且其狀方上而銳下宜觸冒人疏

且其至皆

人○說文狼似犬銳頭狼性貪戾宣伯之銳下似之故
知其觸冒人文元年傳穀也豐下必有後于魯國銳與

豐正相反宜其負罪奔齊子孫不存於魯也

王其勿賜若貪陵之人來而盈

其願是不賞善也且財不給解給供也故聖人之施舍也議之解施予也舍不予也其喜怒取予也亦議之是

以不主寬惠亦不主猛毅解主猶名也主德義而已解

賞得其人罰得其罪是爲德義王曰諾使私問諸魯請之也王遂不賜禮如行人解如使人之禮無加賜及魯

侯至仲孫蔑爲介解在賓爲介介上介所以佐相禮儀

王孫說與之語說讓解說好也言蔑好讓說以語王王

厚賄之疏

九年傳魯賄荀偃束錦加璧乘馬先吳壽夢

之鼎昭七年傳楚子享公于新臺好以大屈賈達注大屈寶金可以爲劍大屈金所生地名鼎與大屈非常賄

所有王之厚
貶亦如此

晉既克楚於鄖

解

克勝也晉厲公伐鄭楚人救之戰于

鄖在魯成十六年

疏

解戰於鄖○史記楚世家集解引服虔曰鄖陵鄭之東南地隱元年

鄭伯克段于鄖杜注今穎川郡有鄖陵案漢地理志陳留郡有

此晉楚戰地雖皆屬鄭而判然不同則隱元年杜注誤

僞卽克段之鄖穎川郡有鄖陵李奇曰六國時爲安陵

也至文七年傳鄖陵則又舊誤

地而與陳留穎川均無異也使郤至告慶於周

解

郤至

晉卿步揚之孫蒲城離居之子溫季也告慶以勝楚之

福告王也

疏

解告慶至告王○成二年傳禮之如侯伯

待之必重以告慶之禮疏其獻捷之禮王

案告慶之禮傳記無文未將事

解

將行也未行告慶之

禮王叔簡公飲之酒

解

王叔簡公周大夫王叔陳生也

交酬好貨皆厚解交酬相酬之幣也好貨宴飲以貨爲
好厚者幣物多也飲酒宴語相說也明日王叔子譽諸
朝郤至見召桓公與之語解召桓公王卿士召公以告
單襄公曰王叔子譽溫季以爲必相晉國相晉國必大
得諸侯解勑二三君子必先導焉可以樹二三君子在
朝公卿也導者導晉侯使升郤至以爲上卿可以樹黨
于晉今夫子見我以晉國之克也爲已實謀之解言戰
勝楚吾之謀也曰微我晉不戰矣解微無也楚有五敗
晉不知乘我則強之解乘勝也背宋之盟一也解宋盟
宋華元所合晉楚之成也華元善楚令尹子重又善樂

武子故遂合二國之好盟在魯成十二年至十六年楚

鄭背盟伐宋也薄德而以地賂諸侯二也

解

楚王薄德

鄭人不從楚以汝陰之田賂鄭鄭叛晉從楚也

疏

解楚

從楚○成十六年傳春楚子自武城乃使公子成以汝陰之田求成於鄭杜注汝水之南近鄭地案後漢郡國志汝南郡汝陰本胡國杜預曰縣西北

有胡城地道記有陶邱鄉詩所謂汝墳乘壯之良而用

幼弱三也

疏

解莊之至子反○成十六年傳過申子反入見申叔時杜注叔時老在申則不得謂之壯成七年鍾儀曰其爲

太子也師保奉之以朝于娶齊而久于側也則十年前子反已在師保之位不得謂之幼弱傳別有所指非叔

時子反二人也建立卿士而不用其言四也

疏

不欲背晉楚王不聽夷鄭從之三陳而不整五也

解夷

楚東之夷也晉語曰楚共王帥東夷救鄭三陳夷鄭楚
也舉不由晉晉得其民也解言楚叛盟非晉之舉得民
得民心也四軍之帥旅力方剛解時晉立四軍四軍之
帥晉八卿也樂書將中軍士燮佐之郤鍇將上軍荀偃
佐之韓厥將下軍加營佐之趙旃將新軍郤至佐之旅
衆也剛強也卒伍治整諸侯與之解以晉有信故諸侯
與之是有五勝也有辭一也解楚背盟故晉有辭也得
民二也軍帥彊禦三也行列治整四也諸侯輯睦五也
有一勝猶足用也有五勝以伐五敗而避之者非人也
不可以不戰樂范不欲我則強之解樂樂書也范士燮

也戰而勝是吾力也

解謂郤至也楚有六間不可失也

且夫戰也微謀解微無也言軍無計謀吾有三伐

解伐

功也三伐勇禮仁也勇而有禮反之以仁吾三逐楚君

之卒勇也見其君必下而趨禮也

解下下車也能獲鄭

伯而赦之仁也

解郤至從鄭伯其右弗翰胡曰余從之

乘而俘以下郤至曰傷國君有刑乃止若是而知晉國

之政楚越必朝

解知政謂爲政也吾曰子則賢矣

解吾

召桓公自謂抑晉國之舉也不失其次吾懼政之未及

子也

解郤子位在七人下故恐政未及也謂我曰夫何

次之有昔先大夫荀伯自下軍之佐以政

解荀伯荀林

父也從下軍之佐第六卿升爲政卿也趙宣子未有軍行而以政解宣子趙盾也爲中軍佐第二卿未有軍行升爲政卿今樂伯自下軍往解樂伯樂書也將下軍第五卿而爲正卿也是三子者吾又過於四之無不及解三子苟趙禡也得郤至四人言己之材優於彼三人也四人之中無有所不及也若佐新軍而升爲政不亦可乎將必求之是其言也君以爲奚若解言如是君以爲何如也襄公曰人有言曰兵在其頸其郤至之謂平君子不自稱也解稱舉也非以讓也惡其蓋人也解蓋掩也夫人性陵上者也解如能在人上者人欲勝陵之也

故君子尚禮讓而天下莫敢陵也不可蓋也解言人之
美不可掩也求蓋人其抑下滋甚解滋益也求掩蓋人
以自高大則抑退而下益甚也故聖人貴讓且諺曰獸
惡其網民惡其上解獸惡其網爲其害己民惡其上爲
其病已書曰民可近也而不可上也解書逸書民可近
可以恩意近也不可上不可高上上陵也疏解書逸至
上陵○上
今所傳尚書作下案上文人性陵上又云民惡其上又
云卻至在七人之下而欲上之則今傳之尚書誤也五
子之歌出于當時韋所未見故云逸書民可近也二語
不知在夏書何篇偽古文采之入五子之歌耳上陵也
者爾雅大阜曰陵釋名陵體案崇高也蓋升陟而登其義爲上詩曰愷悌君子求福不
回解回邪也求福以禮不以邪也疏解回邪至以邪○
毛傳曰不同者不

達先祖之道正義謂以葛藟爲喻故知子孫依緣先祖之功而起案堯典靜言府達論衡引作靖言府同樂記不同邪曲直疏云回謂乖違回與違通故訓同爲邪卻在三姦以求替其上是乖回正道以邪求福矣○在禮敵必三讓解敵體敵也疏在禮敵必三讓○禮聘義入廟門三揖而後至階三讓而後升所以致尊讓也鄭注三讓而后傳命三讓而后升所以致尊讓也見主人陳賓以大客禮當已則三讓之不得命乃傳其君之聘命也三讓而后入廟門讓主人廟受也正義三讓而后升者主君出賓至階主君讓賓升賓讓主君如是者三主君乃先升賓乃升也此就聘禮一端以見例其鄉飲鄉射兩君相朝公食大夫公與客燕大夫相宴饗皆視此也是則聖人知民之不可加也解加猶上也故王天下者必先諸民然後庇焉則能長利解先諸民先求民志也庇猶蔭也言王者先安民然後自庇蔭也長利長有福利也今卻至在七人之

下而欲上之是求蓋七人也其亦有七怨怨在小醜猶

不可堪而况在侈卿乎其何以待之解待猶備也晉之

免也天有惡於楚也故警之以晉而卻至挑天以爲已

刀不亦難乎解挑偷也偷天功以爲己力疏解挑偷至

雅挑偷也李巡注訓薄孫炎郭璞注訓苟且于此博義皆無取黃丕烈札記引惠棟云說文引作挑段玉裁曰

挑撓也唐元應三引皆作抉也抉字是挑天之功謂抉取天之功也齡案說文挑撓也一日撓也集韻撓與鈔

抄同取也則以抄襲之義訓挑義更直捷挑天不祥乘人不義解乘陵也不

祥則天棄之不義則民畔之且卻至何三伐之有夫仁

禮勇皆民之爲也解民力所爲以義死用謂之勇解若

富辰也奉義順則謂之禮解謂若管仲責楚包茅畜義

豐功謂之仁解豐大也謂若狐偃輔晉文姦仁爲挑解
以姦僞行仁爲偷仁謂獲鄭伯而舍之姦禮爲羞解羞
恥也謂見楚君而趨姦勇爲賊解還賊國也姦勇謂逐
楚卒夫戰盡敵爲上守龢同順義爲上解守和同謂不
相與戰而平和也順義順王義也故制戎以果毅解戎
兵也殺敵爲果致果爲毅制朝以序成解序次也朝不
越爵則政成畔戰而擅舍鄭君賊也棄義行容羞也解
容容儀也謂下趨也畔國卽讎佻也解畔其國而卽讎
人謂赦鄭伯猶以偷仁也有三姦以求替其上遠以得
政矣解替廢也以吾觀之兵在其頸不可久也雖吾王

叔未能違難在大誓曰民之所欲天必從之王叔欲卻至能勿從乎解違避也今周書大誓無此言其散亾乎

(疏)

(解)

令周至散亾○書傳天除惡樹善與民同案此傳

(引)

(昭)

(元)

(公)

(明)

(言)

(二語)

(在)

(大誓)

(又襄)

(三十年)

(傳叔孫穆子所

(所引)

(周公孫揮所引)

(鄭語史伯所引並冠以大誓二

(字是西周末及春秋時士大夫並以二語出大誓矣近

(儒謂晉時所出古文大誓唯一月王辰三篇必偽而鄭

(注今文大誓太子發上祭于畢三篇必真今民之所欲

(三篇必真今民之所欲

(鄭本無之何以與史伯穆叔公孫揮所引不合則

(晉時晚出之大誓固難信其真而鄭注之泰誓獨可信

(其真而鄭注之泰誓獨可信

真乎卻至歸明年死難解明年魯成十七年也死謂爲

厲公所殺及伯輿之獄王叔陳生奔晉解伯輿周大夫

獄訟也王叔陳生與伯輿爭政王佐伯輿王叔不勝遂出奔晉在魯襄十年

國語正義卷第二終